



SYSTEM MONITORING PROGRAMME

PROGRAMA MONITORIZASAUN SISTEMA JUDISIAL

Komunikadu Imprensa

Periodu Outubru 2010

Edisaun, 05 Outubru 2010

JSMP Marka Audiensia ho Adjuntu Representante Nasoens Unidas iha Timór Léste

Iha loron 05 fulan Outubru 2010. JSMP hetan oportunidade hodi marka audiensia ho Sua Exelensia Sr. Finn Rieske Nielsen, Adjuntu Representante Especial Nasoens Unidas nian iha Timór Léste. Audiensia ne'e hala'ó iha edifisiu Sr. Fin Rieske iha oras 10.30 OTL. Iha Audiensia ne'e equipa husi JSMP nian hamutuk ema nain 4, no husi UN nian aleinde Sua Exelensia Sr. Finn Rieske rasik, partisipa mós ninia staff tékniku nain 2.

Hanesan mos audiensia sira seluk, JMSP buka atu hakbesik aan bá organizasaun Nasoens Unidas ne'ebé ho ninia misaun importante tebes bá setór hotu-hotu, inklui dezenvolvimentu setór sistema judisiariu iha Timór Léste.

Misaun ONU iha Timór Léste durante ne'e hala'ó ona papel importante atu apoiu dezenvolvimentu iha Timór Léste inklui setór justisa antraves husi agensia parseriu dezenvolvimentu sira iha Timór Léste. Partikularmente UNDP, durante ne'e halo ona investimentu ne'ebé signifikante tebes bá setór justisa, hanesan apoiu bá Centru Formasaun Judisiariu (CFJ), no halo kontratu ho autór judisiariu internasionál sira atu apoiu servisu administrasaun justisa iha Timór Léste, tanbá importante tebes bá JSMP atu hasoru malu no apresenta JSMP nia hanoin no deskuti kestaun relevante sira iha setór justisa nian, haktuir Luis de Oliveira, Direitór JSMP.

Iha oportunidade ida ne'e aleinde JSMP hato'ó preokupasaun JSMP nian konabá kestaun indultu, preokupasaun bá kazu Maternus Bere, no papel misaun ONU nian bá asuntu ne'e, JSMP mós husu apoiu bá Nasoens Unidas atu kontinua ho komitmentu hodi fo apoiu nafatin bá prosesu desenvolvimento sistema judisiariu iha nasaun ida ne'e.

Iha oportunidade ne'e, JSMP mos subliña preokupasaun JSMP nian konabá dezafiu iha setór judisiariu, hanesan pozisaun JSMP nian konabá asuntu indultu, prinsipiu Estadu de Dereitu, Separasaun de Poder, Independensia instituisaun Tribunál, no krimi grave sira iha tempu pasadu no husu atu ONU hola pepal ativu liu hodi hametin sistema judisiriu iha Timór Léste. Aproveita

oportunidade ne'e, JSMP mos husu Sr Finn Rieske, ne'ebé nu'udar mos Xefe Misaun UNDP nian atu fasilita JSMP ho grupu advogadu sira seluk iha Centru Formasaun Judisiri (CFJ) ho forma ne'ebé la hanesan ho sáida mak oras ne'e dadaun la'ó hela iha CFJ. Prosesu ne'e atu ajuda JSMP nia koñesimentu tekniku iha aspeitu terminolojia legal no interpretasaun bá lei sira no hasae diak liu tan qualidade no produtividade publikasaun JSMP nian.

Antes hatan bá preokupasaun JSMP nian, Sr. Finn Rieske Nielsen, kongratula JSMP bá papel JSMP nian ne'ebé durante ne'e JSMP kaer hodi apoiu dezenvolvimentu setór jutisa Timór Lésté. Nia haksolok mos tanbá JSMP durante ne'e nu'udar organizasaun soseidade sivil ida ne'ebé nia lian sempre mosu hodi fo hanoin nafatin bá Estadu iha aspeitu setór justisa nian. Tanbá ne'e nia haksolok tebes ho vizita audiensia ne'ebé JSMP inisia ne'e.

Hatan bá preokupasaun hirak ne'e, Representante Nasoens Unidas ne'e reafirma katak imprinsipiu sira ninia posizaun hanesan ho JSMP konabá kestaun sira ne'e. Misaun Nasoens Unidas nian iha Timór Lésté maka oinsa atu fo nafatin apoiu bá prosesu tomak liu-liu bá prosesu desenvolvimento bá sistema judisiri, inklui krime ne'ebé maka akontese iha pasadu, Tuir informasaun ne'ebé mak UNMIT hetan katak oras ne'e dau-daun iha kazu 76 mak pendete hela no kazu hirak ne'e akontese durante krize 2006 – 2008 maibé ONU nia misaun klaru katak la konkorda ho autór kriminozu sira ne'ebé sei livre hela. ONU nia pozisaun desde inisiu katak tenke iha justisa bá vítima sira.

Liu tan ne'e nia mós haktuir katak iha fulan kotuk representante Nasoens Unidas iha Timór Lésté Exelensia Sra. Ameraah Haq hato'ó ninia relatóriu bá Konsellu Seguransa konabá pozisaun bá asuntu indultu no komutasaun pena husi Prezidente nian.

Iha oportunidade ne'e, Sr. Finn Rieske kontente no enkoraza JSMP hodi kontinua nafatin halo inkontru regular kada fulan tolu atu rona no haré fila fali asuntu sira ne'ebé deskuti dadaun ne'e, inklui atu haré progresu ruma bá pedidu JSMP nian bá CFJ.

Tuir planu JSMP sei halo aprosimasaun ho Prezidente Parlamentu Nasionál hodi ko'alia konabá setór justisa no husu atu ema hotu halo esforsu kolektiva hodi investe bá setór justisa ida ne'ebé forte atu sai hanesan báze bá governasaun ne'ebé diak iha Timór Lésté.

Atu hetan informasaun kle'an, favor kontaktu:

Luis de Oliveira Sampaio

Director ezekutivu JSMP

Email: luis@jsmp.minihub.org

Landline: +670 3323883 ka +670 7295795